



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱՐԱԲԿԻՐ ՆՍՏԱՎԱՅՐ

(ՀՀ, համայնք ԵՐԵՎԱՆ, ՔԱՆԱՔԵՌ-ՉԵՅԹՈՒՆ, ՀՐ. ՆԵՐՍԻՍՅԱՆ Փ., մասնաշենք 10)



ԵԴ2/2284/02/24

ՈՐՈՇՈՒՄ

Հայցադիմումը վարույթ ընդունելու և ապացույցներ պահանջելու մասին
08 ապրիլի 2024թ

ք. Երևան

Երևան քաղաքի առաջին ստյանի ընդհանուր իրավասության քաղաքացիական դատարանի դատավոր Ա. Բաղիրյանս, քննության առնելով ըստ հայցի «ՄՏԿ» փակ բաժնետիրական ընկերության ընդդեմ պատասխանող «Գազպրոմ Արմենիա» ՓԲ ընկերության` թիվ «092/GArm/24_4.3_096/04.03.24» ծածկագրով մրցակցային ընտրության մասնակիցների հայտերի վերաբերյալ տեղեկատվություն տրամադրելուն պարտավորեցնելու պահանջի մասին հայցադիմումը վարույթ ընդունելու վերաբերյալ հարցը,

Պ Ա Ր Չ Ե Ց Ի

«ՄՏԿ» փակ բաժնետիրական ընկերության ներկայացուցիչը հայցադիմում է ներկայացրել Երևան քաղաքի առաջին ստյանի ընդհանուր իրավասության քաղաքացիական դատարան ընդդեմ պատասխանող «Գազպրոմ Արմենիա» ՓԲ ընկերության` խնդրելով պարտավորեցնել «Գազպրոմ Արմենիա» ՓԲԸ-ին տրամադրել «ՄՏԿ» ՓԲԸ-ի ներկայացուցիչ Գ.Խաչատրյանի 18.03.2024թ. դիմումով հայցվող հետևյալ տեղեկատվությունը, այն է` «№092/GArm/24_4.3_096/04.03.24» ծածկագրով ընթացակարգին հայտ ներկայացրած բոլոր մասնակիցների հայտերը:

Հայցադիմումը 29.03.2024 թվականին մակագրվել է դատավոր Ա. Բաղիրյանին:

Սույն հայցադիմումը ներկայացվել է ՀՀ քաղաքացիական դատավարության օրենսգրքի 121-րդ և 122-րդ հոդվածների պահանջներին համապատասխան:

ՀՀ քաղաքացիական դատավարության օրենսգրքի 234.6-րդ հոդվածի 1-3-րդ կետերի համաձայն՝

1. դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

2. Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

3. Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Դատարանը գտնում է, որ պատասխանողից անհրաժեշտ է «№092/GArm/24 4.3 096/04.03.24» ծածկագրով մրցակցային ընտրության /գնման գործընթացի/ հետ կապված՝ պատասխանողի տիրապետման տակ գտնվող բոլոր ապացույցները, ինչպես նաև սույն գործն անհրաժեշտ է քննել դատական նիստում:

Միաժամանակ, հայցվորը ներկայացրել է սույն քաղաքացիական գործը դատական նիստում քննելու վերաբերյալ միջնորդություն:

Վերոգրյալների հիման վրա և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 199-րդ, 200-րդ, 234.6-րդ և 234.9-րդ հոդվածներով՝

Ո Ր Ո Շ Ե Ց Ի

1. «ՄՏԿ» փակ բաժնետիրական ընկերությունն ընդդեմ պատասխանող «Գազպրոմ Արմենիա» ՓԲ ընկերության՝ թիվ «092/GArm/24 4.3 096/04.03.24» ծածկագրով մրցակցային ընտրության մասնակիցների հայտերի վերաբերյալ տեղեկատվություն տրամադրելուն պարտավորեցնելու պահանջի մասին հայցադիմումն ընդունել վարույթ:

2. Պատասխանող «Գազպրոմ Արմենիա» ՓԲ ընկերությանց պահանջել «№092/GArm/24_4.3_096/04.03.24» ծածկագրով մրցակցային ընտրության /գնման գործընթացի/ հետ կապված՝ պատասխանողի տիրապետման տակ գտնվող բոլոր ապացույցները:

Սույն որոշումը՝ ապացույցներ պահանջելու մասով, ենթակա է կատարման պատասխանողի կողմից այն ստանալուց հետո՝ հնգօրյա ժամկետում:

3. Թիվ ԵԴ2/2284/02/24 քաղաքացիական գործով դատական նիստ նշանակել 2024 թվականի մայիսի 20-ին, ժամը 12:30-ին, Երևան քաղաքի առաջին ատյանի ընդհանուր իրավասության քաղաքացիական դատարանի Արաբկիրի նստավայրում /հասցե՝ Հր. Ներսիսյան 10/:

Սույն որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝

Ա. ԲԱԴԻՐՅԱՆ